



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicoꝝ Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt CXXVIII.

urn:nbn:de:hbz:466:1-11227

fidia totidem Capellanijs, ad S. Vitum, in Canonatus transformatis; & sic in hoc Capitulo vnà cum Episcopo sedecim solent esse Canonici; vt tradit Suffridus Petrus in Appendice ad Ioannis Becani historiam Episcoporum Ultraiectinorum.

CAPVT CXXVIII.

S. BAVONIS COLLEGIVM CATHEDRALE
Harlemense in Hollandia.

Capitulum istud Cathedrale constitutum fuit, ex monasterio *de Heylo* Canonico-regularium prope Alcmariam, & ex Capitulo Canonico-regularium in *Geervliet*. Quod quidem Capitulum ex *Geervlito* Harlemum an. 1571. transtulit Godefridus à *Mirlo* II. Episcopus Harlemensis.

Opida diœcesis Harlemensis sunt ista: Harlemum, Amstelodanum, Alcmaria, Beuervvicum, Monichedamum, Edamum, Purmerenda, Horna, Enchusa, & Medenblicum.

Primus Episcopus Harlemensis fuit. *Nicolaus de noua terra*, Georgij Egmundani, Ultraiectensi Episcopi olim suffraganeus, qui cum annis decem præfuisset, ob aduersam valetudinem, Episcopatu cessit.

Nicolao anno 1571. successit est *Godefridus à Mirlo natus*, in pago Campiniæ Brabantinæ, eiusdem nominis, ex ordine Fratrum Prædicatorum conuentus *Silux-ducensis*.

S. MA-

220 DE CANONICORVM
SANCTAE MARIAE COLLEGIVM
Gerulitanum in Hollandia.

Collegium Beatæ Mariæ in Geeruliet,
Hollandiæ vico, quod est quindecim
Canonicorum, fundauit *Nicolaus* Dominus
de Putten & Stryen, qui obiit anno millesimo
trecentesimo vndecimo.

CAPVT CXXIX.

CAESARAUGVSTANVM COLLEGIVM ME-
tropolitanum in Hispania.

CAesaraugusta, Ptolomæo Cæsarea Au-
gusta ab Octauiano Augusto Cæsarea
sic dicta, hodie *Saragoza* ad Iberum fluuiũ, re-
gni Aragoniæ Metropolis, habuit olim Epif-
copum Torraconēsi Archiepiscopo Suffraga-
neum, sed Ioannes XII. eam Archiepisco-
pali dignitate auxit, vt Mariana libro 15. c. 15.
Rerum Hispaniarum tradit. Ecclesia ipsa Ar-
chiepiscopalis Cæsaraugustana, solet esse re-
gularis, id est Canonicorum regularium or-
dinis S. Augustini; sed nostra ætate Canonici
regulares facti sunt sæculares, vt vocant, au-
ctoritate Pontificia, idque petente Philippo
secundo Rege Catholico.

CAPVT CXXX.

SANCTAE FIDEI COLLEGIVM
Metropolitanum in America.

Sanctæ Fidei ciuitas, vulgò *Sancta Fè de By-
sgota* in nouo regno Granatensi (quod est
pars